



Broj: 10-05-35214/16
Sarajevo, 25.01.2017 godina

SKUPŠTINA KANTONA SARAJEVO
-Služba za skupštinske poslove-

PREDMET : Odgovor na zastupničko pitanje

Zastupnik Eldar Čomor je na 24. Radnoj sjednici Skupštine Kantona Sarajevo, održanoj dana 28.12.2016 godine, u okviru tačke Dnevnog reda „Zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, postavio zastupničko pitanje :

„Koliki je trenutni broj timova porodične medicine po svakoj OJ u okviru JU „Domovi zdravlja Kantona Sarajevo“ a koliki je broj timova na bazi standarda u zdravstvu“?

U vezi sa postavljenim zastupničkim pitanjem dostavljamo slijedeći:

ODGOVOR

U Kantonu Sarajevo u 2016 godini registrirano je ukupno 250 timova porodične medicine, od kojih u JU Dom zdravlja Kantona Sarajevo 222, Zavod za zdravstvenu zaštitu studenata Univerziteta u Sarajevu 5, Zavod za medicinu rada 13, Zavod za zdravstvenu zaštitu uposlenika MUP-a KS 5, Zavod za zdravstvenu zaštitu radnika u saobraćaju 5.

Od ukupnog broja, od 222 registrovana tima porodične medicine u Domu zdravlja Kantona Sarajevo, 181 tim je u kontinuitetu u procesu rada, dok 41 tim porodične medicine nije u kontinuitetu procesa rada obzirom da veći broj ljekara iz ovih timova je upućen na specijalizaciju ili se nalazi na dužem bolovanju.

Prema gore navedenim podacima u Kantonu Sarajevo je trenutno aktivno tj. u procesu rada 212 timova porodične medicine.

Prema Standardima i normativima zdravstvene zaštite u FBiH („Službene novine FBiH“, broj 82/14 i 107/14), za jedan tim porodične medicine utvrđen je normativ od 2.000 registriranih osiguranih lica.

Prema ovom normativu na ukupan broj osiguranih lica u Kantonu Sarajevo od 371.000, potrebno je 186 timova porodične medicine.

Saglasno Odluci o utvrđivanju osnovnog paketa zdravstvenih prava („Službene novine FBiH“, broj 21/09), kao i Naredbi o standardima i normativima zdravstvene zaštite iz ovabeznog zdravstvenog osiguranja u FBiH („Službene novine FBiH“, broj 82/14 i 107/14), kantoni mogu utvrditi i veći obim prava (veći standard) ukoliko za to imaju osigurana sredstva.

Kanton Sarajevo je 2009 godine donio Odluku o utvrđivanju većeg obima zdravstvenih prava, kao i osnovama, kriterijima i mjerilima za ugovaranje po osnovu obaveznog zdravstvenog osiguranja sa



zdravstvenim ustanovama sa područja Kantona Sarajevo („Službene novine Kantona Sarajevo“, broj 37/09) prema kojoj je utvrđen veći obim prava u odnosu na standarde i normative u FBiH. Prema ovoj odluci normativ za jedan tim porodične medicine je 1800 registrovanih osiguranih lica. U skladu sa ovim normativom, a na osnovu broja osiguranih lica, u Kantonu Sarajevo je potrebno osigurati 207 timova porodične medicine.

Imajući u vidu navedene standarde, u Kantonu Sarajevo je iskazan višak za 5 timova porodične medicine u odnosu na normative utvđene Odlukom o utvrđivanju većeg obima zdravstvenih prava, kao i osnovama, kriterijima i mjerilima za ugovaranje po osnovu obaveznog zdravstvenog osiguranja sa zdravstvenim ustanovama sa područja Kantona Sarajevo, odnosno za 26 timova je višak u odnosu na Standarde i normative zdravstvene zaštite u FBiH.

Međutim treba istaći da svi timovi porodične medicine nisu ravnomjerno popunjeni brojem registrovanih kartona osiguranih lica. U nekim timovima je registrovan manji broj i u odnosu na normativ utvrđen Odlukom o utvrđivanju većeg obima zdravstvenih prava, kao i osnovama, kriterijima i mjerilima za ugovaranje po osnovu obaveznog zdravstvenog osiguranja sa zdravstvenim ustanovama na području Kantona Sarajevo („Službene novine Kantona Sarajevo“, broj 37/09). Ovo se posebno odnosi na timove u prigradskim područnim ambulantomama. Kontrolom registrovanih osiguranih lica ustanovljeno je takođe da ima osiguranika koji su registrovani čak kod dva tima, zbog toga će biti nužno provesti reviziju osiguranih lica, te izvršiti registraciju građana koji se još nisu jasno opredjelili za tim porodične medicine.

MINISTRICA

Zilha Ademaj, dipl.oec.



web: <http://mz.ks.gov.ba>
e-mail: minzdrav@ks.gov.ba
Tel: + 387 (0) 33 562-104, Fax: + 387 (0) 33 562-243
Sarajevo, Reisa Džemaludina Čauševića 1

